

THILPIAK A VUALZAWLNATE

- Pausuanlian -

"Bangkim ka hih peuhmah na chin ding ua ka hih ahi, huchibang a semgim leh, Toupa Jesu thu theigige kawmin mihatloute na panpih ding uh ahi; amahmah in, 'laksangin piak in lukhawng a neizaw' a chih" a chi hi (Nasepte 20:35).

Thilpiak ichih chiangin banghiam khatpeuh midang kianga ipiak- avan in leng ahithe, a sum inleng ahithe, a tha mahmah inleng ahithe hi. Thilpiak toh kisai a tuamtuam om hi. Huaite ahihleh:- Ngiat/phutluh a om ziak a piak hiam, itna ziak/deihsak ziak a piak hiam, poimoh isak ziak a ipiak hiam, ahikheileh panpihna dinga ipiak, huaibel khat leh khat kitungna dinga ipiak chihthe ahi. Tuni a I gen utpen ahihleh Lai Siangthou sinsakna banga Pathian apan a vualzawlina itante, igou- neih-le-lam, sum-le-pai leh hunte Amah Lalgam nasepna dinga ipiakkiakna leh midangte panpihna dia zatna/piakkiakna leh huai ipiakkiakna tungtawna vualzawlina omte toh kisai ahi.

Bangziak a Thilpiak Pia Ding? Amasa in thilpiak piak a poimohna leh ipiak na ding ziak khenkhat i en ding.

Thilhoih Ahizhiak:

"Thilhoih hihding a Kris Jesu ah siam a om in, amah khutsuak ihi uhi; huai thilhoih hih I khosakna dan ding in Pathian in a bawlkhol ahi." (Ephesate 2:10, cf. Philippite 4:8; Galatiate 6:9-10). Khristiante thilhoih hihding a sap leh siam ihi uhi. Tangval hausa gentehna thu ngei aleng neih-le-lam(thilpiak) midangte adia piakkiak hoihkim a omna dinga poimoh ahihdan kimu hi (Matthai 19:16-21). Kihanthawn tuah a kipanpih tuah michih imohpuak uh hi tek hi. Pathianin eite khelhna apan a hotdamna imuhtheihna dingua a tapa Jesu Kris honpiak, eite'n ikipahna lahsakna a thilpiak tamsem I piak ding thil kilawm leh hoih ahi him hi (II Korinthte 8:1-15). Huaiziakin a piatu a pangpen thilhoih ahizhiak a ipiak ding ahi.

Midangte' puak giksaktu ding hilou, puakgik zang-saktu hizaw ding ihihdan theih gige poimoh hi. A hawmzak, a pekhiatu hihding I mohpuak ahihdan mangngilh louh ding ahi (Galatiate 6:6). Hawmzak ichih chiangin neih leh lamte midangte'n hon hamphatpih dia hawm ding genna ahi (I Timothi 6:17-18). Huaibanah I goute khol teptup a koih piching dinga hilou in, a tam theilam midangte a dinga piak ding hizaw hi. Pathian gingta sate thilhoih hihdia pilvang ding ihi uh, huaibel mihingte adia hoih a phattuam leng ana hisawn hi (Tita 3:8).

Poimoh leh Thupiak Ahizhiak:

Tanchinhoih Luke in Jesu Kris' Tanchin Hoih a gelhna ah 'Samari Mihoih' chia minvuah a om Jesu Kris gentehna thu a gente lak a khat Luke 10:30-35 kikal ah kimu hi. Hiai tangthu isimleh kuahiam khat Jerusalem apan Jeriko khua ah hohsuk a, suamhatte tuakkha in vuaktang a sidektak a nawtsiat in om hi. Huchia sidek a omlai Siampu khatin tuakkha mahleh lampi sik lehlam ah pel in paisan maimah

hi, huchibang mah in Levi mi khat in leng donlou in paisan hi. Himahleh Samari mi khualzin kuahiamin a muhin a li-ammate leh thuaknate enkol a amah gan tunga tuangsakin khualbuk tan ah paipih a zankhua in kem hi. Huaikia hilou in khualbuk kempa kianga a kepman ding makhai nih pia in a kikhawn chianga a adaihloou teng dinkik dingin genlai hi. Hiaibanga midangte tunga thilhoih hih eite'n leng ichin leh zuih ding uh ahihdan Jesu mahmah in a nungzuite tungtawnin ana gen hi (Luke 10:36-37). Eimah iki it banga invengte it ding a thupiak ihi uhi. (Galatiate 5:4).

Ineih-ilamte a Pathian zahtakna piak ding, punna imuhte a gah masate leng piak ding ahi chiin Paunakte 3:9 ah Kumpi Solomon in ana gen hi. Pathian zahtak a amin thupi I pahtawi theihnate lak a khat bel thilpiak ipiak ahihdan hiai apan inleng chiang hi. Ni sagih ni masapen a vualzawlina imuh bangzel a koihkhawl chiat dinga nget ihi (I Korinthte 16:2). Korinthte kianga Paul in a laikhak nihna bung 8-9 na I etsuak leh thilpiak poimoh dan banah thilpiakin a nasep toh kisai Paul in naktakin ana gen hi (II Korinthte 9:7-8). Jerusalem a unau omte haksatna panpihna unau gam tuamtuam a omte'n panpihna pekhwam ua, huchiin mimalmalte haksatna kidawnzang tuah chiat uhi. Hiaidan nungzui masate chindan leng ahi (Nasepte 2:44-45).

Amaute'n a neih-alamte uh kikopin gam neite'n a gamte uh zuakin leh a thilkholte uh mante sawltakte kheb-ula tawikhawmin amau lak a apoimoh leh deihdong ching chiatua hawmzel uh ahihdan kimu hi (Nasepte 4:32-37). Paul in Timothy kianga a laikhak na ah *mihausate kisathei a om ding hilou a thilhoih hih ding, thilhoih hih a hauh ding leh thilphal a siam ding uh ahi* chiin ana gen hi (I Timothy 6:18). Sawltakpi Peter ngei inleng a laikhak ah thilpiak a na kisespak tuah dingin ana gen hi (I Peter 4:10). Thilpiak a thilhoih hih a kipanpih leh kidopsang tuah Kris nungzui ihihna a I mohpuak ahihdan hiaite apan kichian semsem hi.

Sutzop diing..

PLACE OF WORSHIP

Secred Heart Cathedral,
Yusuf Sadan, Ashoka Road ,
Delhi - 110001

Phone No. 9953968807
website : www.cocdelhi.org

'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'

Enkaitu : Jamson Guite

BIBLE CLASS**Class**

Adult : Khenpi, Siamkhanmuan
Inter. : James & Jamson
Junior : Ginsuan & Suanlian
Primary : Minlun & Niangngaihching
Beginner : Chingkhanlun & Pauliansiam

Teacher**TOUPA NI****THILPIAK**

Date 20.2.2022 ₹ 42,361/-

THOUGHT OF THE WEEK

Huchibang in Noah in a hih a; Pathian in a
kiang a thu apiak tengteng bang in a
hihta hi - Genesis 6:22

THU TUAMTUAM**THU TUAMTUAM****Biakna Hunzeek**

Toupa' Ni

Date 27.2.2022

Hun-uk thumna : Lang James
Lapi : Mungmuanlian
Thilpiak : Tawnsianpau
Theihgigena : Janglet
Thugen : Jamson
Thumna : Nekkhothang

Nilaini Video Bible class

Date 02.03.2022

Thumna : Pausuanlian
Sinsaktu : Di Palma
Thumna : Kamkhenthang

Kiginni

Date 05.03.2022

Hun-uk thumna : Jamson
Lapi : Khamminthang
Thugen : Nekkhothang

Toupa' Ni

Date 06.03.2022

Hun-uk thumna : Jamson
Lapi : Khamminthang
Thilpiak : Thangzalam
Theihgigena : Thangbiaklun
Thugen : Lang James

BIAKNA PROGRAM

❖ Kha nawn March leh April sung a zat diing biakna program bawlkhit hinawnta hi. Program copy hong kihawm thoh lou diing ahihman in unaute'n eimah a diing i kilak chiat diing. Huan, i tante leh a ni chiamteh in i kisak khol chiat diing uh. Toupa Ni a diing in thupi kipevek hi. Kiginnite ah thupi piaksa omtuamlou ahihman in thugente'n tukum i thupi paipi toh kituak in thupi a kitel thei diing uh. Tawpna thumna nei diing kiseplou ahihman in hunuk thumna neite'n a sehtawm zel diing.

TUKHAWM UH

❖ Berean Bible Institute of India (BBII) toh kisai enkai dia guan a om unaute'n kal paita Toupa Ni biakna zoh in unaupa James inn ah tutkhawmna nei in BBII toh kisai a thupoimohte genkhawm uhi. Sawtkuamtak a tutkhawm nung un nitak an nekhawm in kikhen uhi. A thu kikupe uh business meeting chiang in pulak diing ua, huai ah genkhawm poimoh omlaite genkhawm hi diing hi.

KHUMZOH HITA

❖ Zan kiginni in gelkholhsa dungzui in unaute Jamson, James leh Siammuante'n unaupa Richard Khuotong inn ah Berean Bible Study Series a diing thugen khumna nei uhi. Zinglam dak 10 vel in kipan ua, nitaklam dak 2 vel in zou uhi. Sun an leng huai mun ah nekhawm ngal uhi. Hiai thugen khumsate unaupa Richard Khuotong in editing hon bawl nawn diing hi. Tuma inleng unaupa Kamlianpau in thupi bangzah hiamtak ana khumkhinta hi. Tutung a diing in thugenna teng khumzoh hinawn phot hi. Kipahhuai mahmah.

KUANNAWNTA

❖ Covid19 in kiamlam ahon nawt toh kiton in unaupa Lunsang in a siam sinna mun lam ana zuan nawnta hi.

HUN ZANG UH

❖ Kal paita Toupa Ni biakkhawmna zoh in tuailai lamte'n tukum a diing a apatna in unaupa Khamminthang inn ah tuailai program zang uhi. Youth coordinator ten leng program uap vek ua taksa mahmah. Hun zang a paikhawm teng unaupa Khamminthang in nitak an nekipih vek hi. Phathuai mahmah.

TUAILAI PROGRAM OMNAWN DIING

❖ Tuni biakkhawmna zoh chiang in tuailai lamte'n unaupa Siamkhanmuan inn, Vasant Kunj ah tuailai program zang nawn diing uhi. Tuailaite telkim sipsip diing in i kichial ahi. A loutheilou biaina nei ihikeileh tel ni.

NGAPLOU UH

❖ Kal masa kiginni in unaunu Kimnu lung ap ziak in kiginni biakna ah leng hong tel ngaplou hi. Pathian panpihna toh hoihlam nawnt in Toupa Ni hong kikhom zou hi.

❖ Business chairman unaupa Lang James leng kal masa kiginni in a office mun ah lung am leh lunat ziak in office apan ahunma in ana pai hi. Amah leng Pathian panpihna toh damdawi nek in hong hoih theihpah hi.

❖ Baby Lunkim d/o unaupa Thangdoulain leng hitang khosik ziak in ngaplou in ana om hi.

MIT ATSAK

❖ Kal paita sepnawnni in unaupa Tuallam in amit ana atsak hi. Pathian panpihna toh lohchingtak in atsak thei hi. Kipahhuai lua.

DAMDOI INN AH OMLAI

❖ Nauneih ziak a RML damdawi inn a om unaunu Khamngaihniang@ Niangboi tunitan in damdawi inn ah omlai hi. Typhoid a vei ziak in potkhia thei nailou ahi. Damna hoihtak ahon neih a damdoi inn ahon potsan pah theihna di'n thumpih ni hang.

I SUUNPIH UH

Kal paita nilaini in unaupa T.Ginzalal in a leitung khaulzinna zou in a tangtawn mun diing honna zot-santa hi. Hiai bang lusun hun ah a paisan a innkuanpihte i suunpih mahmah uhi. Unau lusuun innkuante Pathian khamuanna i ngetpih uhi.